

Läsekoort

Läs nipp un nau denn Text up de Läsekoort.
Krüz denn de richtigen Antwuurden up de Frägenkoort an.

Ik bün Tim un bün teihn Johren olt.

Gistern an'n Sünndach wieren wi all tauhop in'n Busch. De fängt glieks hinner uns Hus an, un wi nähmen ok giern unsen Hund Kalli mit. Wi möten åwer uppassen, dat hei nich hinner de Kaninken herlöppt un denn mit mål verschwunnen is.

Normålerwies sünd wi tau lut, so dat wi kum Diere tau seihn kriegen. Åwer gistern leep ein groten Hürsch æwer denn Wech, un ok mien lütt Süster Lilli wier denn musingstill. Mien Vadder hett sogar ein Bild mit sien Smartphone måkt. Dat Bild heff ik hüt glieks in de Schaul wiest, un de annern Kinner hebben staunt. Bloots Lasse nich. Hei hett secht, dat hei all so vål Hürsche seihn hett, dat wi gor nich so wiet tellen köenen. Åwer ob dat ümmer allens so stimmt? Ik glöf ja, hei is 'n Schnacker.



Frågenkoort

Läs nipp un nau denn Text up de Läusekoort.
Krüz denn de richtigen Antwuurden up de Frågenkoort an.

1. Wecker is gistern in 'n Busch gån?

- ◇ Kalli un siene Frünn'
- ◇ Lasse un sien Fomilie
- ◇ Tim un sien Fomilie

2. Woans heit de Hund?

- ◇ Kalli
- ◇ Knalli
- ◇ Kulli

3. Wo olt is Tim?

- ◇ teihn Johren
- ◇ twintig Johren
- ◇ twei Johren

4. Wecker hett ein Bild von denn Hürsch måkt?

- ◇ Kalli
- ◇ Lasse
- ◇ de Vadder

5. Worüm süht de Fomilie normålerwies kein Diere?

- ◇ De Vadder vergåt ümmer de Brill.
- ◇ Sei sünd tau lut.
- ◇ Dat gifft keine Diere in denn Busch.

6. Wat denkt Tim æwer Lasse?

- ◇ Hei secht nich ümmer de Wohrheit.
- ◇ Hei weit allens.
- ◇ Hei weit gaut æwer Diere Bescheid.

